


1




*Hemia hem i Bong. Hem i stap wokbaot long bus.*

2




*Hem i kam kasem wan stampa blakpam we i brok.*

3




*Hem i stap tingting hem wan, i se "From wanem nao blakpam ya i brok?"*

4




*Hem i tingting moa, i se "Maet i gat wan rabis weta yesterdei, mo maet wan laetning i brekem wud ya."*

5




*Wantaem nomo, hem i luk fren blong hem Adam i wokboat i kam pas.*

6




*Bong i talem long Adam, i se "Yu luk, laetning i katem wud ya!"*

7




*Be Adam i kirap i laf, i se "Nogat, i no laetning i katem wud ya. Mi nao mi katem wud ya."*

8



*Bong i givhan long Adam blong karem stampa wud ya i go long haos.*

9




*Tufala i katem brekem wud ya long trifala pis.*

10



*Adam i katem spletem smolsmol o pis wud ya.*

11



*Afta, tufala i mekem wan faea mo rusum kakae blong tufala.*